



ՀԱՎԱՏԱՐՄԱԳՐՄԱՆ ՀԱՆՁՆԱԺՈՂՈՎ

Ո Ր Ո Շ ՈՒ Մ

21 մարտի 2015 թ. N 4

«ՀՅՈՒՄԻՍԱՅԻՆ ՀԱՄԱԼՍԱՐԱՆ»

ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ԻՆՍՏԻՏՈՒՑԻՈՆԱԼ ԿԱՐՈՂՈՒԹՅՈՒՆՆԵՐԻ ՀԱՎԱՏԱՐՄԱԳՐՄԱՆ ՄԱՍԻՆ

Ընդհանուր տեղեկություն հաստատության մասին

Հաստատության լրիվ անվանումը

Հյուսիսային համալսարան

Հապավումը

չունի

Կազմակերպչաիրավական ձևը

ՍՊԸ

Գործունեության հասցեն

ՀՀ, ք. Երևան, 0025, Ալեք Մանուկյան
15ա

Նախորդ հավատարմագրման մասին
որոշումը և ժամկետը

N 013 հավատարմագիր, 2001թ.

առանց վավերականության ժամկետի

«Մասնագիտական կրթության որակի ապահովման ազգային կենտրոն» հիմնադրամի Հավատարմագրման հանձնաժողովը (այսուհետ՝ Հանձնաժողով), ղեկավարվելով ՀՀ կառավարության 2011 թվականի հունիսի 30-ի N 978-Ն որոշմամբ հաստատված «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգով, «ՀՀ մասնագիտական կրթության հավատարմագրման չափանիշները հաստատելու մասին» 2011 թվականի հունիսի 30-ի N 959-Ն որոշմամբ, «Մասնագիտական կրթության որակի ապահովման ազգային կենտրոն» հիմնադրամի հավատարմագրման հանձնաժողովի ձևավորման և գործունեության ընթացակարգով և «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգով, 2015 թ. մարտի 21-ի դրեքաց նիստում Հյուսիսային համալսարանի, ԿԳՆ-ի ներկայացուցիչների, փորձագիտական խմբի ղեկավարի, գործընթացի ՈԱԿ համակարգողի մասնակցությամբ քննարկեց,

գործընթացի ՈԱԱԿ համակարգողի մասնակցությամբ քննարկեց Հյուսիսային համալսարանի ինստիտուցիոնալ կարողությունների հավատարմագրման հարցը:

Հանձնաժողովը, ուսումնասիրելով Հյուսիսային համալսարանի կողմից ներկայացված ինքնավերլուծությունը, փորձագիտական զեկույցը, զեկույցում նշված թերությունների վերացման մասին Հյուսիսային համալսարանի գործողությունների ծրագիրը, ՈԱԱԿ-ի եզրակացությունը՝ ամրագրեց հետևյալը:

Հավատարմագրման գործընթացի հիմնական փուլերն իրականացվել են հետևյալ ժամկետներում.

դիմում-հայտի ներկայացում	27 փետրվարի 2012 թ.
բուհի ինքնավերլուծության ներկայացում	29 սեպտեմբերի 2012 թ.
փորձագիտական այցի իրականացում	3-7 դեկտեմբերի 2012 թ.
փորձագիտական զեկույցի ներկայացում	1 մարտի 2013 թ.
թերությունների վերացման ծրագրի ներկայացում	19 փետրվարի 2014 թ.

Փորձաքննությունն իրականացրել է «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգ»-ի պահանջներին համապատասխան ձևավորված անկախ փորձագետների խումբը: Գնահատումը կատարվել է ՀՀ կառավարության 2011 թվականի հունիսի 30-ի N 959-Ն որոշմամբ հաստատված ինստիտուցիոնալ հավատարմագրման 10 չափանիշներով:

Գնահատում իրականացնելիս հաշվի է առնվել, որ Հյուսիսային համալսարանը Հայաստանի Հանրապետությունում պետականորեն արտոնագրված ոչ պետական բարձրագույն ուսումնական հաստատություն է, որը հիմնադրվել է 1996 թ. և իրականացնում է «ՀՀ կրթության որակավորումները և դրանց ընդհանրական բնութագրերը» փաստաթղթի (ՈԱՇ) 6-րդ և 7-րդ մակարդակներին համապատասխան մասնագիտական կրթություն՝ ինչպես առկա, այնպես էլ հեռակա ուսուցման ձևերով:

ՄՈՒՀ-ի կողմից պլանավորված և իրականացվող գործունեությունը հիմնականում համապատասխանում է ինչպես նրա առաքելությանը, այնպես էլ նրա առջև դրված նպատակներին: Համալսարանը պետական կրթական չափորոշիչներին համապատասխան մատչելի կրթական ծառայություններ է մատուցում սոցիալական լայն շերտերի համար:

Համալսարանում իրականացվող 8 մասնագիտություններից 6 հավատարմագրված են մինչև 2011 թվականը գործող հավատարմագրման կարգի և չափանիշների պահանջներին համապատասխան, իսկ 2001 թ. համալսարանը ստացել է հավատարմագրված բուհի կարգավիճակ: Հավատարմագրերը չունեն վավերականության ժամկետ:

Հետևելով որակի արտաքին ապահովման նախկին համակարգի պահանջներին՝ համալսարանը իրականացրել է գործընթացների վերահսկողություն և հետևել միայն պետական կրթական չափորոշիչներին համապատասխանությանը: Կարևորելով որակի ապահովման նոր մոտեցումները և շարունակական բարելավման անհրաժեշտությունը՝ համալսարանը կամավոր մասնակցել է 2010թ. ՈԱԱԿ-ի նախաձեռնած հավատարմագրման գործընթացների փորձարկումներին: Հավատարմագրման նոր չափանիշներին համապատասխան իրականացնելով ինքնավերլուծություն, ինքնուրույն վերհանել մի շարք բացթողումներ, մասնավորապես, որակի ներքին ապահովման մեխանիզմների գործարկման և ելքային կրթական արդյունքներով ձևակերպված ծրագրեր ունենալու անհրաժեշտությունը:

Նախկին հավատարմագրումից հետո ՄՈՒՀ-ը իրականացրել է մի շարք փոփոխություններ՝ բարելավվել են շենքային պայմանները, ընդլայնվել են ուսումնառության ռեսուրսները, ձեռնամուխ է եղել ծրագրերի լրամշակմանը, շեշտադրվել է անհատական աշխատանքը ուսանողի հետ, վերանայվել են բազմաթիվ կարգեր:

Համալսարանն ունի ՀՀ բարձրագույն ուսումնական հաստատություններին բնորոշ կառավարման համակարգ: 2012թ.-ի սկզբին մշակվել և Հյուսիսային համալսարանի գիտական խորհրդի կողմից հաստատվել է ՄՈՒՀ-ի նոր առաքելությունը, որին հետևել է համալսարանի նոր՝ գործունեության 10 ոլորտների համար նախատեսված Ռազմավարական ծրագրի մշակման գործընթացը, որը դեռևս ընթացքի մեջ է: Ընդ որում, ամբիոնները և դեպարտամենտները նույնպես մշակել և համալսարանի կայքէջում տեղադրել են իրենց Ռազմավարական ծրագրերը:

ՄՈՒՀ-ն ունի ուսանողների ընդունելության անցկացման քաղաքականություն և ընթացակարգ: Համալսարանը զուգակցում է ուսանողների համակազմի ձևավորման մի շարք մեխանիզմներ՝ մարզերի դպրոցներում շարունակաբար իրականացվող այցեր, տեղերում անցկացվող մասնագիտական կողմնորոշման զրույցներ, բաց դռների օրեր, օլիմպիադաներ, և այլն: Ուսանողական ակտիվ կյանքը, բազմապիսի անվանական կրթաթոշակների առկայությունը համալսարանը ապագա դիմորդների համար ավելի գրավիչ դարձնելու լրացուցիչ եղանակ է: Համալսարանը յուրահատուկ է նրանով, որ վարձավճարների մատչելիությունը հնարավորություն է ստեղծում կրթական ծառայություններ մատուցել սոցիալական լայն շերտերի համար: Ցածր առաջադիմություն ունեցող ուսանողների համար կազմակերպվում են լրացուցիչ պարապմունքներ: ՄՈՒՀ-ում ակտիվ գործում է ուսանողական խորհուրդը:

ՄՈՒՀ-ի պրոֆեսորադասախոսական կազմը համապատասխանում է ՄՈՒՀ-ի առաքելությանը, իրականացվող ծրագրերի նպատակներին և պահանջներին: Պրոֆեսորադասախոսական կազմի համալրման քաղաքականությունը համապատասխանում է բարձրագույն մասնագիտական կրթական ծրագրերի իրականացման լիցենզավորման կարգի պահանջներին: Համալսարանն ունի նաև մշակված դասախոսների ատեստավորման կարգ: ՄՈՒՀ-ի մի շարք լավագույն շրջանավարտներ ընդգրկված են համալսարանի պրոֆեսորադասախոսական կազմում: ՄՈՒՀ-ում մշակված է դասախոսների խրախուսման քաղաքականություն և

ընթացակարգ, կիրառվում են բարոյական և նյութական օգնության զանազան միջոցներ: Համալսարանում կիրառվում է դասախոսների հետազոտությունների տպագրության պրակտիկա՝ բուհի ֆինանսական միջոցների հաշվին:

ՄՈՒՀ-ում իրականացվել է դասախոսական կազմի վերապատրաստումներ՝ նվիրված դասավանդման մեթոդներին, որոնցից հաստատության ուսանողները ընդհանուր առմամբ բավարարված են: ՄՈՒՀ-ում դասավանդման և ուսումնառության մեթոդների, ինչպես նաև դասավանդման նյութերի ու ռեսուրսների արդիականացում իրականացվում է, սակայն հստակ մշակված քաղաքականություն և ընթացակարգերը նոր են ձևավորվում:

Համալսարանն առաջարկում է մագիստրոսական ծրագրեր, որոնց հաջող իրականացումը պահանջում է նորարական և գիտական հետազոտություններ: Մինչդեռ հետազոտական գործունեությունը համալսարանը չի համարում ռազմավարական կարևորություն: Հաստատության ամբիոններում ձևավորված է հետազոտությունների կարճաժամկետ պլաններ և տարեկան հաշվետվություններ ներկայացնելու պրակտիկա: Սակայն հստակեցված չեն հետազոտությունների ուղղվածությունները, դրանք ուսումնառության նպատակով անձնական նախաձեռնությամբ և նեղ թեմատիկայով իրականացվող աշխատանքներ են: Կիրառական բնույթ կրող հետազոտություններին մասամբ ներգրավվում են նաև ուսանողները, իսկ արդյունքները ներկայացվում են յուրաքանչյուր տարի ՄՈՒՀ-ում կազմակերպվող գիտաժողովներին: Համալսարանի ռազմավարական ծրագրում նախատեսված է ընդլայնել գիտահետազոտական ուղղությամբ տարվող աշխատանքը:

ՄՈՒՀ-ը տրամադրում է բավարար ռեսուրսներ հաստատության բնականոն կենսագործունեությունն ապահովելու համար: Հաստատությունում գործում են մի շարք ուսումնական լաբորատորիաներ, որոնք թույլ են տալիս պատշաճ իրականացնել կրթական ծրագրերը: Չնայած գործունեության տասնվեց տարիների ընթացքում համալսարանը զգալի ներդրումներ է կատարել և ապահովել է իր հռչակած նպատակների իրականացման ընթացքը, բայց և այնպես, իր առաքելությունը լիարժեք կերպով կյանքի կոչելու համար հաստատությունը դեռևս ունի նոր ռեսուրսների ներդրման կարիք:

Համալսարանում կիրառվում են ստորաբաժանումների պարբերական հաշվետվողականության առանձին մեխանիզմներ, որոնք համակարգ չեն կազմում. օրինակ՝ արտաքին շահակիցների առումով, հասարակությանը տրամադրվող ծառայությունների հատուկ մշակված ռազմավարություն և քաղաքականություն չկա:

Չնայած այդ հանգամանքին, որ 2011 թ.-ին ստեղծվել է արտաքին կապերի ստորաբաժանումը՝ արտաքին կապերը խրախուսող քաղաքականությունը և ընթացակարգերը մշակման փուլում են: Համալսարանը համագործակցության պայմանագրեր ունի Լեհաստանի “Ադամ Միցկևիչ” համալսարանի, 2010 թվականին Սանկտ-Պետերբուրգի կառավարման և էկոնոմիկայի համալսարանի հետ:

ՄՈՒՀ-ում առկա են որակի ապահովման քաղաքականություն և ընթացակարգեր: Համալսարանի բոլոր մակարդակներում կարևորում են կրթության որակը և որակի ապահովումը: Տրամադրվել են բավարար մարդկային, նյութական և ֆինանսական

ռեսուրսներ գործընթացների կազմակերպման համար: Դասախոսները, ուսանողները և մյուս շահակիցները տեղեկացված են և մասնակցում են որակի ապահովման գործընթացներին: Ներդրված մեխանիզմները հիմնականում թույլ են տալիս վեր հանել ուսանողների կրթական կարիքները և արձագանքել դրանց:

Հյուսիսային համալսարանին առաջարկվում է հաշվի առնել և իր ռազմավարության շրջանակներում իրականացնել հետևյալ խորհրդատվությունները, որոնք ուղղված են հավատարմագրման գործընթացում փորձագիտական խմբի կողմից վերհանված խնդիրների հաղթահարմանը և բուհի գործունեության հետագա բարելավմանը:

Առաքելություն և նպատակներ.

1. ՄՈՒՀ-ի հավակնությունը մեր երկրի բարձրագույն մասնագիտական կրթության ոլորտում բնակչության նվազ սոցիալ-տնտեսական հնարավորություններ ունեցող ներկայացուցիչների «մուտքի» դեպքում բավարար վերջնարդյունքի «ելքի» ապահովումն է, ուստի նպատակահարմար է, որպեսզի այս գաղափարը ամրագրվի համալսարանի ռազմավարական փաստաթղթերում:
2. Անհրաժեշտ է ավելի մեծ ուշադրություն դարձնել արտաքին շահակիցների խնդիրների վերհանմանը և այդ ուղղությամբ տարվող աշխատանքներին՝ ելնելով հաստատության կողմից որդեգրված առաքելության և նպատակների տրամաբանությունից: Ընդ որում, ցանկալի է, որպեսզի ծնողները ևս դիտարկվեն որպես արտաքին շահակիցներ և հաշվի առնվեն նաև նրանց կարիքները:
3. Անհրաժեշտ է ավելի մեծ ուշադրություն դարձնել որակի ապահովման ուղղությամբ իրականացվող վերահսկողությանը և ակտիվացնել մոնիթորինգային խմբի աշխատանքները՝ դրանցում շեշտելով արդյունքների չափելիության և հետադարձ կապերի ապահովման հարցերը:

Կառավարում ու վարչարարություն.

4. Անհրաժեշտ է ավելի մեծ ներդրումներ կատարել ՊԴ կազմի մասնագիտական վերապատրաստման, գրադարանային ֆոնդի հարստացման, համալսարանի միջազգային կապերի սերտացման և ուսանողանպաստ գործունեություն ապահովելու համար անհրաժեշտ այլ ասպարեզներում:
5. Անհրաժեշտ է ունենալ մշակված չափանիշներ, որոնց հիման վրա իրականացվող պարբերական գնահատումները թույլ կտան հստակ պատկերացում կազմել արդեն իսկ առկա գործընթացի կենսունակության և կայունության մասին:
6. Խորհուրդ է տրվում նաև մշակել ժամանակային տեսակետից հստակ ձևակերպումներ ունեցող կարճաժամկետ, միջնաժամկետ և երկարաժամկետ գործողությունների պլաններ, որոնք կբխեն համալսարանի և ստորաբաժանումների ՌԾ-ներից: Դրանց առկայությունը հիմք կստեղծի պլանավորելու և իրականացնելու մշտադիտարկում, որը պարբերաբար կարձանագրի իրականացված աշխատանքների պլանավորման և կատարման դինամիկան, ինչպես նաև դրանց համապատասխանությունը հաստատության առաքելությանն ու նպատակներին:

7. Կատարելագործման կարիք ունի կառավարման սուբյեկտների հաշվետվողականության հարցը: Հաշվետվողականության մշակույթի ձևավորման հարցում կարևոր է ոչ միայն վերընթաց հաշվետվողականության ավանդույթի առկայությունը, այլև՝ վարընթաց հաշվետվողականությունը, որը կառավարման ոչ պակաս արդյունավետ գործիք է: Ընդ որում, հաշվետվողականության մեխանիզմներն ավելի արդյունավետ կգործեն, եթե հաշվի առնվի համալսարանի կառուցվածքային ստորաբաժանումների զարգացման դինամիկան:

Մասնագիտության կրթական ծրագրեր.

8. Կարևոր և անհրաժեշտ է կազմել սեփական ՄԿԾ-երը՝ հաշվի առնելով ուսումնառության ակնկալվող արդյունքները: ՄՈՒՀ-ում կազմած ՄԿԾ-երը անհրաժեշտ է ուղարկել արտաքին փորձաքննության տվյալ ոլորտի գործատուներին:
9. Կրթության որակի ապահովման համակարգում շատ կարևոր ներդրում կհանդիսանա նաև միջամբիոնային փոխքննարկումների կազմակերպումը: Անհրաժեշտ է ամբիոններում պարբերաբար կազմակերպել ՄԿԾ-երի քննարկման ուսումնամեթոդական սեմինարներ, ուր կներկայացվեն թե՛ դասալսումների արդյունքներ, և թե՛ կվերլուծվի ընթացիկ ՄԿԾ-ն, կմշակվեն մշտադիտարկման արդյունավետ մեխանիզմները, կքննարկվեն բարելավման ուղիները:

Ուսանողներ.

10. Անհրաժեշտ է իրականացնել լրացուցիչ և խորհրդատվական աշխատանքների արդյունավետության գնահատում ինչպես դասախոսների, այնպես էլ ուսանողների տեսակետից: Իրականացված աշխատանքի թույլ և ուժեղ կողմերի բացահայտումը թույլ կտա կատարել անհրաժեշտ շտկումներ և ապահովել այս գործունեության արդյունավետությունն ու շարունակականությունը:
11. Հարկավոր է ուսանողների համար կազմակերպել սեմինարներ՝ նվիրված, առհասարակ, մարդու իրավունքների և, մասնավորապես, ուսանողների իրավունքների պաշտպանության հարցերին: Դա կնպաստի այս խնդրի վերաբերյալ ուսանողների գիտակցության բարձրացմանը:

Պրոֆեսորադասախոսական և ուսումնաօժանդակ կազմ.

12. Անհրաժեշտ է մշակել և ներդնել պրոֆեսորադասախոսական կազմի մասնագիտական առաջընթացի ապահովման քաղաքականություն և ընթացակարգեր:

Հետազոտություն և զարգացում.

13. Հարկավոր է հետազոտության ոլորտում մշակել երկարաժամկետ ռազմավարություն: Ընդ որում, հետազոտությունների իրականացումը ճիշտ կլինի կազմակերպել նախապես մշակված քաղաքականության և ընթացակարգերի միջոցով:

14. Հետազոտական ոլորտում համալսարանի հետագա հաջողությունները որոշ չափով պայմանավորված են ամբիոններում պարբերական գիտակրթական սեմինարների կազմակերպմամբ, որոնցում ընդգրկված կլինեն ինչպես ամբիոնների աշխատակիցները, այնպես էլ ուսանողները:
15. Քանի որ համալսարանի հիմնական հետազոտական ուղղությունը հայագիտականն է, ապա հարկավոր է փորձել գիտական կապեր հաստատել սփյուռքում գործող հայագետների հետ, ինչու ոչ, նաև՝ այլազգի հայագետների հետ, որոնց գիտական հետաքրքրության շրջանակներում է, օրինակ Թումանյանի գրական ժառանգությունը:
16. Համալսարանում ակադեմիական ազնվությունն երաշխավորող և գրագողությունը կանխարգելող միջոցների քաղաքականության ու ընթացակարգերի ստեղծման և ներդրման խնդիրը նույնպես կարոտ է շուտափույթ լուծման:

Ենթակառուցվածք և ռեսուրսներ.

17. Անհրաժեշտ է ստեղծել մի շարք ընթացակարգեր, որոնք կնպաստեն գործընթացների կառավարման բարելավմանը:
18. Հարկավոր է մշակել ուսանողներին և դասավանդողներին տրամադրվող ռեսուրսների կիրառելիության, հասանելիության և արդյունավետության գնահատման մեխանիզմներ:
19. Համալսարանի ֆինանսական քաղաքականության հարցերի պլանավորման, իրականացման, որոշ հարցերում մշտադիտարկման և բարելավման գործընթացներին սեփականատերը պետք է ներգրավի համալսարանի կառավարման բարձր և միջին օղակների ներկայացուցիչներին:

Հասարակական պատասխանատվություն.

20. Անհրաժեշտ է հասարակության շրջանում իրականացնել հարցում՝ պարզելու համար համալսարանի գործունեության մասին հանրային տեղեկացվածության աստիճանը, առկա պատկերացումների համընկնումը համալսարանում առկա իրողությունների հետ և այլն: Այդպիսի տվյալներ կարելի է ստանալ նաև համացանցում ակտիվ աշխատանք իրականացնելու ճանապարհով, սոցիալական ցանցերում հարցումներ կատարելով և այլն:
21. Խնդրո առարկա չափանիշի ուղղությամբ իրականացված և իրականացվելիք ծավալուն և բազմաբնույթ աշխատանքները պետք է դասակարգել ըստ դրանց արժեքային ուղղվածության, համակարգել, ձևակերպել հետապնդվող նպատակները, դրանց հիմքում դնել հստակ մեխանիզմներ, ստուգել արդյունավետության աստիճանը: Այս ամենը կնպաստի, որպեսզի համալսարանի կողմից իրականացվող աշխատանքները տեսանելի դառնան և՛ ընդգրկվեն ՄՈՒՀ-ի կողմից տարվող գործունեության մեջ՝ դառնալով դրանց օրգանական բաղադրամասը:

Արտաքին կապեր և միջազգայնացում.

22. Պետք է աշխատանքներ տանել Համալսարանի արտաքին կապերի աշխուժացման և միջազգայնացման քաղաքականության և ընթացակարգերի ստեղծման ուղղությամբ
23. Արտաքին կապերի բաժնի աշխատանքն առավել արդյունավետ կլինի, եթե այն համակցվի Շրջանավարտների և կարիերայի կենտրոնի, կայքէջի և ֆեյսբուքի պատասխանատուների, թերթի և ամսագրի խմբագրության հետ:
24. Ֆինանսական շոշափելի ներդրումներ պահանջող այս ոլորտի զարգացման համար հարկավոր է ակտիվացնել տեղական և արտասահմանյան հովանավորների որոնման աշխատանքները, ակտիվորեն մասնակցել դրամաշնորհային ծրագրերի: Այս հարցում հաջողությամբ գործելուն կօգնի արտաքին կապերի բաժնի աշխատակցի մասնակցությունը դրամական միջոցների հայթհայթման դասընթացների /fundraising/:

Որակի ներքին ապահովման համակարգ.

25. Շահակիցների տեղեկացվածության աստիճանի վերաբերյալ տվյալների ստացումը պետք է հիմնված լինի հետադարձ կապի մեխանիզմների պարբերական կիրառման վրա: Սա կնպաստի որակի ապահովման ներքին համակարգի օբյեկտիվ, իրատեսական և արդյունավետ շարունակական գործունեությանը:
26. Բենչմարքինգի համաձայնագրերի շրջանակներում ՄՈՒՀ-ի որակի ապահովման ինքնավերլուծությունն ամբողջությամբ կամ հատված առ հատված հարկավոր է հանձնել արտաքին փորձաքննության:

Ուսումնասիրելով ներկայացված փաստաթղթերի փաթեթը, լսելով փորձագիտական խմբի ղեկավարի և բուհի ներկայացուցիչների կարծիքները՝ Հավատարմագրման հանձնաժողովը, գտնում է, որ Հյուսիսային համալսարանն ընդհանուր առմամբ իրականացնում է իր առջև դրված հիմնական նպատակը՝ մատչելի բարձրագույն կրթության ապահովում հասարակության լայն շերտերի համար:

Հաստատության կողմից իրականացվող մասնագիտությունների կրթական ծրագրերը համապատասխանում են սահմանված պետական չափորոշիչներին, սակայն իրականացվող մասնագիտությունների ցանկը, ընդունելության քաղաքականությունը, հետազոտական բնույթը և ուսանողների շարժունությունն ապահովելու համար ծրագրերը լուրջ վերանայման կարիք ունեն:

Բուհը լուրջ ուշադրություն պետք է դարձնի կրթական ծրագրերի մրցունակության և գրավչության ապահովման հարցերին: Ընդունելության ասպարեզում բացասական միտումների շարունակությունը կարող է ռիսկային լինել հաստատության համար:

Ուսումնառության ակնկալվող վերջնարդյունքներին արդյունավետ հետևելու և ծրագրերն արդիականացնելու նպատակով՝ անհրաժեշտ է կիրառել կրթական ծրագրերի մշտադիտարկման և գնահատման մեխանիզմներ:

Մագիստրոսի կրթական ծրագրում համալսարանը պետք է ապահովի ուսանողների բավարար մասնակցությունը հետազոտական աշխատանքներին,

տրամադրելով համապատասխան նյութական և մարդկային ռեսուրսներ: Մագիստրոսի կրթական ծրագրի առաջին շրջափուլի ավարտից հետո անհրաժեշտ է իրականացնել ծրագրի ամբողջական փորձաքննություն և վերանայում:

«Արտաքին կապեր և միջազգայնացում» ոլորտում համալսարանն սկսել է ուշադրություն դարձնել ուսանողների շարժունությունը և միջազգային ծրագրերում դասախոսական կազմի մասնակցությունն ապահովելու համար միջոցների հայթհայթմանը, սակայն համալսարանը դեռևս չունի ռեսուրսներ միջազգայնացմանը լայն թափ հաղորդելու, կանոնակարգված և ակտիվ գործընթաց իրականացնելու համար: Կնքված համաձայնագրերը վատ են գործում և միջազգային հաստատությունների հետ գործակցությունը ձևական բնույթ է կրում:

Համալսարանն, ընդունելով վեր հանված թերությունները և տրված խորհրդատվությունները, որոնց իրականացումը ժամանակի պահանջ է, մշակել է «Փորձագիտական զեկույցում նշված թերությունների վերացման ծրագիր»: Թերությունների վերացման ծրագիրը միտված է բուհի գործունեության հետագա բարելավմանը և ծառայած խնդիրների օպերատիվ լուծում տալու մեխանիզմների ներդրմանը, որոնք կապահովեն բուհի նպատակների հարմապատասխանեցումն ընտրված սոցիալական սեկտորի կրթական կարիքներին: Այնուամենայնիվ, հրատապ լուծում պահանջող մի շարք խնդիրներ, մասնավորապես «Մասնագիտության կրթական ծրագրեր» և «Հետազոտություն և զարգացում» տիրույթներում, բուհի կողմից չեն կարևորվել բավարար չափով:

Հաշվի առնելով, որ համալսարանը, մեթոդաբար կիրառելով իր ունեցած որակի ներքին ապահովման մեխանիզմները, կարող է ողջամիտ ժամանակահատվածում վերացնել փորձագիտական զեկույցում նշված թերությունները և իրականացնել խորհրդատվությունները, Հանձնաժողովը բաց քվեարկության արդյունքում


ՈՐՈՇ Ե Ց

1. Հյուսիսային համալսարանին շնորհել **պայմանական ինստիտուցիոնալ հավատարմագրում 2/ երկու/ տարի ժամկետով:**
2. Հավատարմագրում շնորհելու որոշման հրապարակումից հետո՝ երկամսյա ժամկետում ՈԱԱԿ-ին ներկայացնել փորձագիտական զեկույցում նշված թերությունների վերացման գործողությունների վերանայված ծրագիր և համապատասխան ժամանակացույց՝ հաշվի առնելով **«Մասնագիտության կրթական ծրագրեր», «Հետազոտություն և զարգացում», «Արտաքին կապեր և միջազգայնացում»** ոլորտներում առկա խնդիրներին առաջնահերթ լուծում տալու անհրաժեշտությունը և «Հյուսիսային համալսարանի ինստիտուցիոնալ կարողությունների վերաբերյալ եզրակացություն»-ում նշված դիտողությունները թերությունների վերացման նախնական ծրագրի մասին:
3. Հաստատության գործունեության բարելավման համար, ելնելով արդի պահանջներից, հատուկ ուշադրություն դարձնել որակի ապահովման համակարգի

զարգացմանը, կրթական ծրագրերի իրականացման համար անհրաժեշտ նյութատեխնիկական բազայի արդիականացմանը, դասախոսների և ուսանողների շարժունությանը, ուսումնառության և հետազոտության կապի ամրապնդմանը, պրոֆեսորադասախոսական կազմի վերապատրաստմանը:

4. «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգի 12.3 կետի պահանջներին համապատասխան 6 ամիսը մեկ անգամ ՈԱԱԿ-ին ներկայացնել գրավոր զեկույց իրականացված գործողությունների արդյունքների վերաբերյալ:

**Հավատարմագրման Հանձնաժողովի
նախագահ**



Վ. Ուռուտյան

2015 թ. մարտի 26
ք. Երևան